

## اتوار 24 نومبر، 2024

### مضمون۔ جنتے بدن

سنہری متن: یوحنا 6 باب 27 آیت

”فانی خوراک لئی محنت نہ کرو بلکہ اوس خوراک لئی جیہڑی ہمیشہ دی حیاتی تیکر باقی رہندی اے جنہوں آدم دا پتر تہانوں دیوے گا۔“

جوابی پڑھائی: زبور 107: 8، 9، 20، 35 توں 38 آیتاں

- 8۔ کاش لوکی خداوند دی شفقت پاروں تے بنی آدم لئی اوہدے عجیب کماں دے پاروں اوہدی ستائش کردے۔
- 9۔ کیوں بے اوہ تریائی جند نون سیر کردا اے۔ تے کجھی جند نون نعمتاں نال مالامال کردا اے۔
- 20۔ اوہ اپنا کلام نازل کر کے اوہناں نون شفا دیندا اے تے اوہناں نون اوہناں دی ہلاکت توں رہائی دیندا اے۔
- 35۔ اوہ بیابان نون جھیل بنا دیندا اے۔ تے سکی تھان نون پانی دے چشمے۔
- 36۔ اوہ تھے اوہ کھیاں نون وساؤندا اے۔ تاں جو اوہ تھے وسن نون شہر تیار کرن۔
- 37۔ تے بیلیاں بیجن تے تا کستان لاؤن۔ تے پیداوار حاصل کرن۔
- 38۔ اوہ اوہناں نون برکت دیندا اے تے اوہ ودھدے نیں تے اوہ اوہناں دے ڈنگراں نون گھٹ نیں ہوون دیندا۔

## درسی وعظ

## بائبل وچوں

## 1- استثناء 6 باب 5، 6 آیتاں

5- تو اپنے سارے دل تے اپنی ساری جنتے اپنی ساری طاقت نال خداوند اپنے رب نال پیار کر۔

6- تے ایہہ گلاں جنہاں دا حکم اج میں تینوں دیناں واں تیرے دل اُتے نقش رہن۔

## 2- امثال 3 باب 1، 2، 4، 21، 22 آیتاں

1- اے میرے پتر! میری تعلیم نوں فراموش نہ کر بلکہ تیرا دل میرے حکماں نوں منے۔

2- کیوں بے توں ایہناں توں عمر دی درازی تے پیری تے سلامتی حاصل کریں گا۔

4- اسیخ توں رب تے انسان دی نظر وچ مقبولیت تے سیان حاصل کریں گا۔

21- اے میرے پتر! سیان تے تمیز دی حفاظت کر۔ اوہناں نوں اپنیاں اکھیاں توں پرے نہ ہوون دے۔

22- ایس طراں اوہ تیری جند دی حیاتی تے تیرے گلے دی زینت ہوون گیاں۔

## 3- متی 4 باب 1 توں 4، 11، 23 آیتاں

- 1- اوس ویلے روح یسوع نوں جنگل وچ لے گیا تاں جو ابلیس توں آزما یا جاوے۔
- 2- تے چالی دن تے چالی رات فاقہ کر کے آخر کار اوہنوں کچھ لگی۔
- 3- تے آزماؤن والے نے کول آکے اوہنوں آکھیا جے توں رب داپتر ایں تے آکھ پئی ایہہ پتھر روٹیاں بن جان۔
- 4- اوہنے جواب وچ آکھیا پئی بندہ صرف روٹی نال ای جیوندہ نہ رہوے گا بلکہ ہر اوس گل نال جیہڑی رب دے منہ توں نکدی اے۔
- 11- فیر ابلیس اوہدے کولوں ٹر گیا تے ویکھو فرشتے آکے اوہدی سیوا کرن لگے۔
- 23- تے یسوع سارے گلیل وچ پھر دارہیا تے اوہناں دے عبادتخانیاں وچ تعلیم دیندا تے بادشاہی دی خوش خبری دی منادی کرداتے لوکاں دی ہر طراں دی بیماری تے ہر طراں دی کمزوری نوں دور کردارہیا۔

## 4- متی 5 باب 1، 2 آیتاں

- 1- اوہ اوس جتھے نوں ویکھ کے پہاڑا تے چڑھ گیا تے جد بیٹھ گیا تے اوہدے چیلے اوہدے کول آئے۔
- 2- تے اوہ اپنی زبان کھول کے اوہناں نوں اینج تعلیم دین لگیا۔

## 5- متی 6 باب 24 توں 26، 31 توں 33 آیتاں

- 24- کوئی بندہ دو مالکاں دی سیوانسیں کر سکدا کیوں جے یاتے اک نال ویر رکھے گاتے دو جے نال پیار، یا اک نال ملیا رہو وے گاتے دو جے نون ناچیز سمجھے گا۔ تسی رب تے دولت دونواں دی سیوانسیں کر سکدے۔
- 25- اپنی جند دی فکر نہ کریو پئی اسی کیہ کھانواں گے یا کیہ پیواں گے؟ تے نہ اپنے بدن دی پئی کیہ پانواں گے؟ کیہ جند خوراک توں تے بدن پوشاک توں ودھ کے نئیں؟
- 26- ہو ادے پرندیاں نون ویکھو نہ بوندے نئیں تے نہ وڈھدے نئیں۔ نہ کوٹھیاں وچ اکٹھا کردے نئیں فیرومی تہاڈا اسمانی پیوا اوہناں نون کھوانداے۔ کیہ تسی اوہناں توں بوہتی قدر نئیں رکھدے؟
- 31- ایس لئی فکر کر کے ایہہ نہ آکھو پئی اسی کیہ کھانواں گے یا کیہ پیواں گے یا کیہ پانواں گے؟
- 32- کیوں جے ایہناں ساریاں شیواں دی تلاش وچ غیر قوماں رہندیاں نئیں تے تہاڈا اسمانی پیو جان دا اے پئی تسی ایہناں ساریاں شیواں دے متھاج او۔
- 33- بلکہ تسی پہلاں اوہدی بادشاہی تے اوہدی راستبازی نون لہھوتے ایہہ ساریاں شیواں وی تہانوں مل جان گیاں۔

## 6- متی 10 باب 27، 28 آیتاں

- 27- جو کجھ میں تہانوں، ہنیرے وچ آکھداں لو وچ آکھوتے جو کجھ تسی کن نال سن دے او کوٹھیاں اُتے اوہدی منادی کرو۔
- 28- جیہڑے بدن نون قتل کردے نئیں تے روح نون قتل نئیں کر سکدے اوہناں توں نہ ڈرو بلکہ اوہدے توں ای ڈرو جیہڑا روح تے بدن دونواں نون جہنم وچ ہلاک کر سکداے۔

## 7- متی 14 باب 14 توں 22 آیتاں

- 14- اوہنے اتر کے وڈھا جتھا ویکھیا تے اوہنوں اوہناں اُتے بوہت ترس آیا تے اوہنے اوہناں دے بیماراں نوں چنگا کر دتا۔
- 15- تے جد شام ہوئی تے اوہدے چیلے اوہدے کول آ کے آکھن لگے پئی ایہہ تھاں ویران اے تے ویلہ بوہت ہو گیا اے۔ لوکاں نوں گھل دے تاں جو پنڈ وچ جا کے اپنے لئی کھانا مل لین۔
- 16- یسوع نے اوہناں نوں آکھیا ایہناں دا جانا ضروری نئیں۔ تسی آپ ایہناں نوں کھان نوں دیو۔
- 17- اوہناں نے اوہنوں آکھیا پئی ایہتھے ساڈے کول بیچ روٹیاں تے دو مجھیاں دے سوا کجھ وی نئیں۔
- 18- اوہنے اوہناں نوں آکھیا اوہ ایہتھے میرے کول لیاؤ۔
- 19- تے اوہنے لوکاں نوں کاہ اُتے بیٹھن دا حکم دتا۔ فیر اوہنے اوہ بیچ روٹیاں تے دو مجھیاں لیناں تے آسمان ول ویکھ کے برکت دتی تے روٹیاں توڑ کے چیلیاں نوں دتیاں تے چیلیاں نے لوکاں نوں۔
- 20- تے سارے کھا کے رجھ گئے تے اوہناں نے بچے ہوئے ٹکڑیاں نال بھریاں ہوئیاں بارہ ٹوکریاں چکیاں۔
- 21- تے کھان والے بڑھیاں تے بالاں دے علاوہ گھٹ وگھٹ بیچ ہزار بندے سی۔
- 22- تے اوہنے چھیتی نال چیلیاں نوں مجبور کیتا پئی کشتی وچ چڑھ کے اوہدے توں پہلاں پارٹر جان جد تیکر اوہ لوکاں نوں گھلدا اے۔

## 8- یوحنا باب 24، 26، 31، 33، 38، 40 آیتاں

- 24- ایس لئی جد جتھے نے ویکھیا پئی نہ یسوع اے تے نہ اوہدے چیلے تے اوہ آپ نکیاں کشتیاں وچ بیٹھ کے یسوع نوں لبھن لئی کفر نجوم نوں آئے۔

26- یسوع نے اوہناں دے جواب وچ آکھیا میں تہانوں سچ آکھدا اوں پئی تسی مینوں ایس لئی نئیں لبھدے پئی  
مجزے دیکھئے بلکہ ایس لئی پئی روٹیاں کھا کے رجھے۔

31- ساڈے پیو دادے نے بیابان وچ من کھادا۔ کیوں جے لکھیا اے پئی اوہنے اوہناں نوں کھان لئی آسمان توں  
روٹی دتی۔

32- یسوع نے اوہناں نوں آکھیا میں تہانوں سچ آکھدا اوں پئی موسیٰ نے تے اوہ روٹی تہانوں آسمان توں نئیں دتی پر  
میرا پیو آسمان توں تہانوں اصلی روٹی دیندا اے۔

33- کیوں جے رب دی روٹی اوہ اے جیہڑی آسمان توں اتر کے جگ نوں حیاتی دیندی اے۔

38- کیوں جے میں آسمان توں ایس لئی نئیں اترا پئی اپنی مرضی دے مطابق کم کراں بلکہ ایس لئی پئی اپنے گھلن  
والے دی مرضی دے مطابق کم کراں۔

40- کیوں جے میرے پیو دی مرضی ایہہ اے پئی جیہڑا کوئی پتر نوں دیکھے تے اوہدے اُتے ایمان لیائے ہمیشہ دی  
حیاتی پاوے۔

## 9- 1 کرنتھیوں 6 باب 19، 20 آیتاں

19- کیہ تسی نئیں جان دے پئی تہاڈا بدن پاک روح دامتقدس اے جیہڑا تہاڈے اندر وسیا ہو یا اے تے تہانوں رب  
ولوں ملیاے؟ تے تسی اپنے نئیں۔

20- کیوں جے تسی ملد خریدے گئے او۔ ایس لئی اپنے بدن توں رب داجلال ظاہر کرو۔

## 10- 2 کرنتھیوں 5 باب 1، 6 توں 8 آیتاں

- 1- کیوں جے اسی جان دے آں پئی جدوں ساڈا خیمے دا گھر جیہڑا دھرتی اُتے اے سٹ دتا جاوے گا تے ساہنوں رب ولوں آسمان اُتے اک اجیہی عمارت ملے گی جیہڑی ہتھ دا بنیا ہو نیا گھر نسئیں بلکہ ابدی اے۔
- 6- ایس لئی ہمیشہ ساڈی خاطر جمع رہندی اے تے ایہہ جان دے آں پئی جدوں تیکر اسی بدن دے وطن وچ آں خداوند دے وطن توں جلا وطن آں۔
- 7- کیوں جے اسی ایمان اُتے اُتے آں نہ پئی اکھیاں دے ویکھے اُتے۔
- 8- ایس لئی ساڈی خاطر جمع اے تے ساہنوں بدن دے وطن توں وکھ ہو کے خداوند دے وطن وچ رہنا بوہتا منظور اے۔

## 11- 1 تھسلیٹیکوں 5 باب 23 (تے میں) آیت

- 23- تے تہاڈی روح تے جنت تے بدن ساڈے خداوند یسوع مسیح دے آؤن تیکر پورے پورے تے بے عیب محفوظ رہن۔

## سائنس تے صحت

1- 9-7:71

جندر روح، رب، خالق، حکمران محدود شکل توں باہر لامحدود اصول دے اُلٹ اے، جیہڑا صرف عکس دی تشکیل کردا اے۔

## 2- 20:477 (پچھان)-2

شناخت روح داپر چھانوواں اے، اوہ پر چھانوواں جیہڑا الہی اصول، یعنی پیار دیاں کئی شکلاں وچ پایا جاندا اے۔ جند مادا، حیاتی، انسان دی ذہانت اے، جیدی انفرادیت ہندی اے پر مادے وچ نئیں۔ جندر روح توں گھٹ کسے شے داپر چھانوواں نئیں بن سکدی۔

انسان روح دا اظہار اے۔ بھارتیاں نے بنیادی اصلیت دیاں کجھ جھلکیاں پھڑیاں نئیں، جدوں اوہناں نے اک سوہنی جھیل نوں ”وڈھی روح دی مسکراہٹ“ داناں دتا۔ انسان توں وکھ، جیہڑا جند نوں ظاہر کردا اے، روح غیر دیوتائی ہووے گی؛ انسان جیہڑا روح نال دریافت شدہ اے، اپنی الوہیت گوا دیوے گا۔ پر ایہتھے جیہی کوئی ونڈ نئیں اے تے نہ ہو سکدی اے، کیوں جے انسان رب دے نال اکٹھا وجود رکھدا اے۔

## 3- 25:307 (دی)-30

الہی سیان انسان دی جندا اے، تے انسان نوں ساریاں شیواں اُتے حکمرانی دیندا اے۔ انسان نوں مادیت دی بنیاد اُتے نئیں بنایا گیا تے نہ اوہنوں مادی قانوناں دی پاسداری دا حکم دتا جیہڑے روح نے کدی نئیں بنائے؛ ایہد اصولہ روحانی قانوناں، سیان دے اُچے اصولاں وچ اے۔



## 4- 12-5:530

الہی سائنس وچ، انسان رب یعنی ہستی دے الہی اصول دے پاروں قائم رہیندا اے۔ دھرتی، رب دے حکم تے، انسان دے ورتن لئی خوراک پیدا کر دی اے۔ ایہہ جان دیاں ہوئے، یسوع نے اک واری آکھیا، ”اپنی جند دی فکر نہ کریو پئی اسی کیہ کھاواں گے تے کیہ پانواں گے،“ اپنے خالق دا استحقاق فرض کر دیاں ہوئے نئیں بلکہ رب جیہڑا ساریاں دا پوتے ماں اے، اوہنوں سمجھیاں ہوئے پئی اوہ اپنی ای انسان نوں خوراک تے کپڑے فراہم کرن دے قابل اے جیویں اوہ سوسن دے پھٹلاں نال کر دالے۔

## 5- 6-3:507

رب دی ولدیت تے ممتانوں ظاہر کر دیاں ہوئے، روح ٹھیک طریقے نال ہر شے نوں کھواندا پلاندا تے کپڑے پواندا سی، جیویں ای اوہ روحانی تخلیق دے دائرے وچ وڑھدی اے۔

## 6- 30-22:62

الہی سیان، جیہڑی شگوفے تے پھٹل نوں بناؤندی اے، اوہ انسانی بدن دا دھیان رکھے گی، جیویں ایہہ سوسن نوں ملبوس کر دی اے؛ بلکہ کسے بندے نوں رب دی حکمرانی وچ غلطی والے، انسانی نظریاں اُتے زور دیندیاں ہوئے مداخلت نئیں کرن دیوے گی۔

انسان دی اُچی فطرت کمتر دی حکمرانی بیٹھاں نہیں ہندی؛ جے اتیخ ہندا، تے سیان دی ترتیب پٹھی ہو جاندی۔ حیاتی دے بارے ساڈے جھوٹے خیال ابدی ہم آہنگی نوں لکاؤندے نیں، تے اوہ بیماری پیدا کردے نیں جیدی اسی شکلیت کردے آں۔

7- 28-22:442

مسیح، سچائی بشر نوں اوس ویلے تیکر عارضی خوراک تے کپڑے فراہم کردا اے جدوں تیکر مادا، نمونے دے نال تبدیل ہو کے، غائب نہیں ہو جاند، تے روحانی طور تے ملبوس تے رُجھ جاند اے۔ مقدس پولوس آکھدا اے، ”ڈردے تے کمبدے ہوئے اپنی مکتی دے کم کردے جاو“، یسوع نے آکھیا، ”اے چھوٹے گلے نہ ڈر کیوں جے تہاڈے پیونوں پسند آیا پئی تہانوں بادشاہی دیوے۔“ ایہہ ای سچائی کر سچن سائنس اے۔

8- 23-17:467

سائنس جند، روح نوں بدن وچ غیر موجود ظاہر کردی اے، تے رب نوں انسان وچ نہیں بلکہ انسان دے راہیں منعکس ظاہر کردی اے۔ وڈھا کمتر نہیں ہو سکدا۔ ایہہ عقیدہ پئی وڈھا کمتر وچ ہو سکدا اے اک غلطی اے جیہڑی ناکام ہو جاندی اے۔ جند دی سائنس وچ ایہہ اک صاف نقطہ اے پئی اصول اپنے خیال وچ نہیں ہندا۔ روح، جند انسان وچ محدود نہیں اے، تے مادے وچ کدی نہیں ہندی۔

9- 5-28:216

جدوں تسی آکھدے او پئی ”انسان دابدن مادی“ اے تے میں پولوس دے نال آکھد آں: ”بدن دے وطن توں وکھ ہو کے خداوند دے وطن وچ رہنا بوہتا منظور اے۔“ سیان وچ مادے تے اپنے فانی عقیدے نوں ترک کر دیو، تے بس اک سیان یعنی رب نوں اپناؤ؛ کیوں جے ایہہ سیان اپنے آپ دی شبیہ بناؤندی اے۔ اوس سمجھ دے پاروں جیدا سامناسا سنس کر دی اے انسان دا اپنی شناخت گوادینا ناممکن اے؛ تے جیسے امکان دا خیال ایہہ نتیجہ اخذ کرن توں وی بوہتا مضحکہ خیز اے پئی انفرادی موسیقی دیاں آوازاں شروع دی ہم آہنگی وچ گواچ جاندیاں نیں۔

10- 28-16:273

مادے دے بس ناں دے قانون تے طبی سائنس نے کدی انسان نوں مکمل، ہم آہنگ تے لافانی نہیں بنایا۔ انسان اوہدوں ہم آہنگ ہندا اے جدوں روح دی نگرانی وچ ہندا اے۔ ایسے طراں ہستی دی سچائی نوں سمجھن دی اہمیت اے، جیہڑی روحانی وجودیت دے اصولاں نوں ظاہر کر دی اے۔

رب نے روحانی قانون نوں مکمل لئی مادی قانون نوں کدی مقرر نہیں کیتا۔ جے کوئی اجیہا مادی قانون ہے سی تے اوہ روح یعنی رب دی بالادستی دے خلاف تے خالق دی حکمت اُتے اعتراض کرن والا سی۔ یسوع مادی قانوناں دی سدھی مخالفت وچ پانی اُتے ٹریا، جتھے نوں روٹی کھوائی، بیمار نوں شفا دتی، تے مردیاں نوں زندہ کیتا۔ اوہدے کم مادی حس یا قانون دے جھوٹے دعویاں اُتے حاوی ہوندیاں ہوئے سائنس دا اظہار سی۔

11- 16-11:210

ایہہ جان دیاں ہوئے پئی جندتے اوہدیاں خصلتاں ہمیشہ لئی انسان دے راہیں ظاہر کیتیاں جان دیاں رہیاں نیں، مالک نے بیمار نوں شفا دتی، انھے نوں اکھیاں دتیاں، بولے نوں کن دتے، لنگڑے نوں پیر دتے، ایخ اوہ انسانی خیالاں تے بدناں اُتے الہی سیان دے سائنسی عمل نوں لو وچ لیا یا تے اوہناں نوں جندتے مکتی دی چنگی سمجھ دتی۔

## 11-31:247 -12

خوبصورتی دی ترکیب ایہہ پئی گھٹ بھرم تے بوہتی روح شامل ہووے، تاں جو بدن وچ خوشی یا پیر ڈے یقین توں پچھاں ہٹ کے روحانی ہم آہنگی دی جلالی تے پرسکون نہ ونڈی جان والی آزادی وچ بدل جاوے۔

پیار خوبصورتی توں کدی اکھ نیں چڑاؤندا۔ ایہہ اچھکن والا حلقہ ایہدے مقصد اُتے مرکوز رہندا اے۔ کوئی بندہ حیران ہندا اے پئی اک دوست کدی گھٹ سوہنا دکھالی نیں دے سکدا۔ جوانی تے بلوغت دے دناں وچ بندیاں تے بڈھیاں نوں ہنیرے یا اداسی وچ ناکام ہوون دی بجائے صحت تے فائیت وچ بالغ ہونا چاہیدا اے۔ لافانی سیان، سوچ دیاں سوہنیاں تصویریاں مہیا کر دیاں ہوئے تے فہم دے اوہناں ویریاں نوں فنا کر دیاں ہوئے جیہڑے ہر روز ایہنوں قبر دے نیسڑے لے جان دے نیں، بدن نوں مانوق الفطری تازگی تے حسن دی خوراک دیندی اے۔

## 9-32:92 -13

کیہ تسی ایہہ آکھدے او پئی ہلے ویلہ نیں آیا جیدے وچ روح نوں مادی تے بدن نوں قابو وچ رکھن دے قابل سمجھیا جاوے؟ یسوع نوں یاد کرو، جنسے گھٹ وگھٹ اُنی صدیاں پہلاں روح دی قوت نوں ظاہر کیتا تے آکھیا، ”جیہڑا میرے اُتے ایمان رکھدا اے ایہہ کم جیہڑے میں کرداواں اوہ وی کرے گا“، تے جنسے ایہہ وی آکھیا، ”پراوہ ویلہ آؤندا اے

بلکہ ہن ای اے پئی سچے پرستار پودی پرستش روح تے سچائی نال کرن گے۔“ پولوس نے آکھیا، ”ویکھو ہن قبولیت دا ویلہ اے۔ ویکھو ایہہ مکتی دادن اے۔“

14- 6-3:223

جھمیتی یادیر نال اسی ایہہ سکھاں گے پئی انسان دی تنہا ہی حیثیت دیاں بیڑیاں نظر دے ایس دھوکے نال پگھلن لگ جان دیاں نیں پئی اوہ جند دی بجائے بدن وچ، روح دی بجائے مادے وچ رہندا اے۔

15- 24-17:9

”توں اپنے سارے دل، اپنی ساری جند تے اپنی ساری طاقت نال خداوند اپنے رب نال پیار کر۔“ ایس حکم وچ بوہت کجھ شامل اے، ایہتھے تیکر پئی بس مادی احساس، افسوس تے عبادت۔ ایہہ مسیحت دا ایلڈ وراڈوا اے۔ ایس دے وچ حیاتی دی سائنس شامل اے تے ایہہ روح اُتے الہی قابو دی پچھان کردی اے، جیدے وچ ساڈی روح ساڈی مالک بن جان دی اے تے مادی حس تے انسانی مرضی دی کوئی تھاں نہیں رہندی۔

## روزانہ دے فرض

میری بیکرا ایڈی ولوں

## روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوٹیل، آرٹیکل VIII، سیکشن 4۔

## مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنناں نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوٹیل، آرٹیکل VIII، سیکشن 1۔

## فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیکشن 6۔